



Broj: 06-1-07-3-2993/24
Sarajevo, 08.04.2025. godine

Na osnovu člana 2.9 stav (1) tačka 11, a u vezi sa članom 13.10 i članom 13.5 Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) i Poglavlja V. Uputstva o postupku provedbe posrednih izbora za organe vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br. 31/24), Centralna izborna komisija Bosne i Hercegovine je na 18. sjednici, održanoj 08.04.2025. godine, **d o n i j e l a**

O D L U K U

o utvrđivanju rezultata posrednih izbora i dodjeli mandata iz Općinskog vijeća Novo Sarajevo za Gradsko vijeće Grada Sarajeva

- (1) Centralna izborna komisija Bosne i Hercegovine utvrđuje rezultate posrednih izbora za Gradsko vijeće Grada Sarajeva iz Općinskog vijeća Novo Sarajevo, kako slijedi:
1. Kandidatska lista grupe vijećnika "BALIĆ, SRDIĆ, DELIĆ, SPAHIĆ", **dobila je osam (8) glasova,**
 2. Kandidatska lista grupe vijećnika "AVDIĆ I BERKOVIĆ", **dobila je nula (0) glasova,**
 3. Kandidatska lista grupe vijećnika "IMAMOVIĆ I OSTALI", **dobila je sedam (7) glasova,**
 4. Kandidatska lista grupe vijećnika "KAMBEROVIĆ, ROŽAJAC TURKOVIĆ", **dobila je nula (0) glas,**
 5. Kandidatska lista grupe vijećnika "RAMIĆ, PEZO, BEGOVIĆ", **dobila je šest (6) glasova,**
 6. Kandidatska lista grupe vijećnika "KOSOVAC, DŽEHVEROVIĆ, ŠEHOVIĆ", **dobila je nula (0) glasova,**
 7. Kandidatska lista POLITIČKA ORGANIZACIJA GRAĐANA NAŠA STRANKA, **dobila je četiri (4) glasa,**
 8. Kandidatska lista SDP - SOCIJALDEMOKRATSKA PARTIJA BOSNE I HERCEGOVINE, **dobila je šest (6) glasova,**
 9. Kandidatska lista grupe vijećnika MALIĆA HEĆE I ADNANA ZEKOVIĆA, **dobila je nula (0) glasova.**
- (2) Centralna izborna komisija Bosne i Hercegovine dodjeljuje mandate u Gradskom vijeću Grada Sarajeva iz Općinskog vijeća Novo Sarajevo sljedećim vijećnicima:
1. **Kerim Balić,**
 2. **Srđan Srđić,**
 3. **Edhem Imamović,**
 4. **Edison Pavlović,**
 5. **Mirza Ramić,**
 6. **Dragana Bogdanović i**
 7. **Armin Handžar.**

O b r a z l o Ź e n j e

Općinsko Vijeće Novo Sarajevo dostavilo je, dana 17.01.2025. godine, Centralnoj izbornoj komisiji BiH akt, broj: 02OV-01-1-331/25 od 17.01.2025. godine, te u prilogu istog cjelokupan materijal o provedenim posrednim izborima za Gradsko vijeće Grada Sarajeva.

Članom 27. stav (1) i stav (2) Statuta Grada Sarajeva („Službene novine Kantona Sarajevo“, broj: 7/23), propisano je da se Gradsko vijeće sastoji od 28 gradskih vijećnika i svako općinsko vijeće općina koje čine Grad Sarajevo bira po sedam delegata u Gradsko vijeće iz reda općinskih vijećnika.

Stavom (3) istog člana Statuta Grada Sarajeva određeno je da Bošnjacima, Hrvatima i Srbima, kao konstitutivnim narodima, pojedinačno je zagarantovan minimum od šest mjesta u Gradskom vijeću, a grupi Ostalih najmanje dva mjesta, bez obzira na izborne rezultate.

Dalje, stavom (4) istog člana određeno je ukoliko se izborom gradskih vijećnika iz reda općinskih vijećnika ne može popuniti minimalan broj mjesta zagarantovan stavom (3) ovog člana, gradski vijećnici se biraju iz reda kandidata s lista političkih stranaka zastupljenih u općinskim vijećima, a na osnovu izbornih rezultata.

U skladu sa članom 28. stav (4) Statuta Grad Sarajeva, svako općinsko vijeće koje čini Grad Sarajevo ima obavezu delegirati u Gradsko vijeće najmanje po jednog kandidata iz reda svakog konstitutivnog naroda.

U postupku izbora vijećnika za Gradsko vijeće Grada Sarajeva, od 31 vijećnika u Općinskom vijeću Novo Sarajevo, glasali su svi vijećnici za prethodno ovjerenih devet (9) kandidatskih listi.

Na osnovu uvida u dostavljeni materijal utvrđeni su sljedeći rezultati:

1. Kandidatska lista grupe vijećnika "BALIĆ, SRDIĆ, DELIĆ, SPAHIĆ", **dobila je osam (8) glasova,**
2. Kandidatska lista grupe vijećnika "AVDIĆ I BERKOVIĆ", **dobila je nula (0) glasova,**
3. Kandidatska lista grupe vijećnika "IMAMOVIĆ I OSTALI", **dobila je sedam (7) glasova,**
4. Kandidatska lista grupe vijećnika "KAMBEROVIĆ, ROŽAJAC TURKOVIĆ", **dobila je nula (0) glas,**
5. Kandidatska lista grupe vijećnika "RAMIĆ, PEZO, BEGOVIĆ", **dobila je šest (6) glasova,**
6. Kandidatska lista grupe vijećnika "KOSOVAC, DŽEHVEROVIĆ, ŠEHOVIĆ", **dobila je nula (0) glasova,**
7. Kandidatska lista POLITIČKA ORGANIZACIJA GRAĐANA NAŠA STRANKA, **dobila je četiri (4) glasa,**
8. Kandidatska lista SDP - SOCIJALDEMOKRATSKA PARTIJA BOSNE I HERCEGOVINE, **dobila je šest (6) glasova,**
9. Kandidatska lista grupe vijećnika MALIĆA HEĆE I ADNANA ZEKOVIĆA, **dobila je nula (0) glasova.**

Članom 28. stav (8) i stav (9) Statuta Grada Sarajeva, propisano je da se mandati za Gradsko vijeće dodjeljuju kandidatskim listama, prema broju dobijenih glasova, po sistemu proporcionalne zastupljenosti kandidata sa kandidatskih lista, u skladu s Izbornim zakonom Bosne i Hercegovine, odnosno, dijele se po redu, počev od najvećeg količnika, dok se ne raspodjele svi mandati iz općinskog vijeća za Gradsko vijeće. Raspodjela mandata među kandidatima s iste kandidatske liste vrši se prema redoslijedu kandidata na kandidatskoj listi.

Odredbom člana 13.10 stav (2) Izbornog zakona Bosne i Hercegovine propisano je „da mandati za gradsko vijeće, odnosno skupštinu grada dodjeljuju se kandidatskim listama po sistemu proporcionalne zastupljenosti političkih stranaka, koalicija, listi nezavisnih kandidata ili grupa članova, kao što je utvrđeno u članu 13.5 ovog Zakona. Raspodjela mandata među kandidatima sa iste liste vrši se prema redoslijedu na listi kandidata za ove izbore.

Imajući u vidu naprijed navedene zakonske odredbe, raspodjelom mandata u Gradsko vijeće Grada Sarajeva, prema utvrđenim rezultatima iz stava (1) dispozitiva ove odluke, delegirano je: dva vijećnika iz reda bošnjačkog naroda, tri vijećnika iz reda hrvatskog naroda, jedan vijećnik iz reda srpskog naroda i jedan iz reda Ostalih.

U skladu sa rezultatima koje je utvrdila Centralna izborna komisija Bosne i Hercegovine i svim naprijed navedenim odredbama, dodijeljeni su mandati vijećnicima na način kako je to navedeno u stavu (2) dispozitiva ove odluke.

Ova odluka stupa na snagu danom donošenja i objavit će se dana 08.04.2025. godine na internetskoj stranici Centralne izborne komisije Bosne i Hercegovine, www.izbori.ba, i smatrat će se da je danom objavljivanja ista dostavljena svim učesnicima u izbornom procesu.

PRAVNA POUKA: Protiv ove odluke, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objavljivanja ove odluke.

Žalba se podnosi putem Centralne izborne komisije Bosne i Hercegovine neposredno u sjedištu Centralne izborne komisije Bosne i Hercegovine, ulica Danijela Ozme broj 7, Sarajevo, putem faks aparata na broj: 033/251-329 ili elektronskom poštom na e-mail adresu: kontakt@izbori.ba.

 Zamjenice predsjednicu
Jasno Rogić, član